



BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA-SANA CANTON
UNA-SANA CANTON GOVERNMENT

Broj: 03-017-1011/2017
Dana, 01.06.2017. godine

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



SKUPŠTINA UNSKO-SANSKOG KANTONA

PREDMET: Izveštaj o radu i finansijski izvještaj JU „Socijalno pedagoška
životna zajednica“ Bihać za 2016. godinu,
d o s t a v l j a s e;-

Na osnovu člana 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Izveštaj o radu i finansijski izvještaj JU „Socijalno pedagoška životna zajednica“ Bihać za 2016. godinu, uz sljedeće:

O b r a z l o ž e n j e

Vlada Unsko-sanskog kantona je na sjednici održanoj dana 01.06.2017. godine, razmatrala i prihvatila Izveštaj o radu i finansijski izvještaj JU „Socijalno pedagoška životna zajednica“ Bihać za 2016. godinu, obrađivača JU „Socijalno pedagoška životna zajednica“ Bihać i predlagača Ministarstva zdravstva, rada i socijalne politike, te vam isti dostavljamo na razmatranje.

PRILOG: - Izveštaj (6x)

PREMIJER KANTONA
mr.sci. Husein Rošić

**BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
JU“SOCIJALNO PEDAGOŠKA ŽIVOTNA ZAJEDNICA“
BIHAĆ**

**IZVJEŠTAJ O RADU
JU“SOCIJALNO PEDAGOŠKA ŽIVOTNA ZAJEDNICA“
ZA 2016.GODINU**

Bihać, mart/2017.godina

SADRŽAJ:

1. Uvod.....	3
2. Normativni okvir.....	4
3. Tematski dio	5
Đački internat.....	6
Socijalno-pedagoške porodične zajednice	
Odgajteljsko-hraniteljske porodice.....	8
Dječiji prostor „Pogled“-savjetovalište za djecu i mlade.....	12
Stanovi za mlade.....	17
4. Kapitalni projekti	18
5. Ocjena stanja i postignuti rezultati	18
Temeljne odrednice poslovne politike.....	18
Prijedlog mjera.....	19
6. Programska orijentacija	19
7. Planirane i realizirane aktivnosti i zadaci	20
Aktivnosti na unapređenju rada i poslovanja.....	23
8. Izvršenje planiranih, kontinuiranih poslova	23
9. Pregled unutrašnje organizacije, kadrovske i materijalne osposobljenosti	24
10. Način ostvarivanja suradnje sa Federalnim organima, drugim kantonima i općinama	25

I UVOD:

JU“Socijalno-pedagoška životna zajednica“ Bihać je na osnovu Odluke o osnivanju Ustanove („Sl. glasnik USK-a“ br:9/99) dana 25.02.2000.godine upisana u Sudski registar Kantonalnog suda u Bihaću, Rješenjem br:U/I-07/2000. Osnivač Javne ustanove je Skupština Unsko-sanskog kantona. Sjedište Ustanove je u Bihaću, ulica Vasif bega Bišćevića br:15.

Na prijedlog Vlade Unsko-sanskog kantona, Skupština Unsko-sanskog kantona na sjednici održanoj dana 10.06.2009.godine donijela je Odluku o izmjenama i dopunama Odluke o osnivanju JU“Socijalno-pedagoška životna zajednica“ („Sl. glasnik USK“ br:9/09).

Svoju funkciju Ustanova ostvaruje u sedmičnom Đačkom internatu u Bihaću, 7 (sedam) Dječijih prostora–savjetovaništa i 14 (četnaest) Socijalno-pedagoških porodičnih zajednica u 7 (sedam) općina Unsko-sanskog kantona. U Ustanovi se zbrinjavaju djeca i mladi sa područja Unsko-sanskog kantona predškolskog, osnovnoškolskog i srednjoškolskog uzrasta, djeca i mladi bez roditeljskog staranja, djeca i mladi u kriznim situacijama, djeca i mladi izloženi nasilju i djeca i mladi sa lakšim teškoćama u razvoju.

NAZIV USTANOVE: JU“Socijalno-pedagoška životna zajednica“

SJEDIŠTE: Bihać, Unsko-sanski kanton

ADRESA: Vasif bega Bišćevića 15,

DJELATNOST: Javna Ustanova vrši privremeno zbrinjavanje djece i mladih do povratka u svoju biološku porodicu ako je to moguće i ako je to u interesu djeteta, privremeno zbrinjavanje djece i mladih do punoljetstva, a najduže do 24. godine života, praćenje djece i mladih u cilju pružanja pomoći u odgoju i razvoju.

PRAVNI STATUS: Javna ustanova

IDENTIFIKACIJSKI BROJ: 4263177030002

TELEFON: 037/223-566 ; FAX: 037/222-479 ; E-MAIL:ju.spzz@bih.net.ba

UPRAVNI ODBOR:

Rješenjem o konačnom imenovanju članova Upravnog odbora broj:03-017-1236/2016. godine od 11.02.2016.godine imenovani su Aida Selimović, član i Šerif Bajrić, član (Rješenjem br: 03-017-858/2015. od 29.10.2015.godine imenovani su Zuhad Porčić, Sandi Salkić i Zinajda Hadžić)

Rješenje o razrješenju prije isteka mandata predsjednika i članova Upravnog odbora br:03-017-176/16 od 01.09.2016.godine razrješeni su predsjednik i članovi Upravnog odbora koji su bili imenovani Rješenjem br: 03-017-858/15 od 29.10.2015. godine i br: 03-017-1236/2016. od 11.02.2016.godine.

Rješenjem br: 03-017-177/2016 od 01.09.2016.godine imenovan je privremeni Upravni odbor sa slijedećim članovima:Aida Selimović, predsjednik, Zinajda Hadžić, član, Emina Čehić, član, Indira Bekonjić, član i Zuhra Ikić, član.

DIREKTOR USTANOVE:

Odlukom br. 03-017-1234/2016. od 11.02.2016.godine razriješen je dužnosti vršilac dužnosti direktora Šerif Bajrić, dipl.ecc.

Odlukom br:03-017-1235/2016. od 11.02.2016.godine za direktora Javne ustanove imenovan je Muhamed Hadžipašić, oec.

Odlukom br: 03-017-226/2016.od 22.09.2016.godine razriješen je dužnosti direktor Muhamed Hadžipašić, oec.

Odlukom br: 03-017-227/2016. od 22.09.2016.godine , Fikreta Halimović, scr., imenovana je za vršioca dužnosti direktora.

II NORMATIVNI OKVIR

Zakonski osnov djelovanja Ustanove baziran je na:

- Zakon o socijalnoj zaštiti, zaštiti civilnih žrtava rata i zaštiti porodica sa djecom Unsko-sanskog kantona,
- Porodični Zakon Federacije Bosne i Hercegovine,
- Zakon o trezorskom poslovanju F BiH,
- Zakon o izvršavanju budžeta USK-a za 2016.godinu,
- Zakon o obligacionim odnosima,
- Zakon o javnim nabavkama,
- Ostali propisi koji regulišu oblast institucionalnog zbrinjavanja djece.

III TEMATSKI DIO

Prije osnivanja ove Ustanove, djeca sa Unsko-sanskog kantona bila su smještena u razne domove širom Bosne i Hercegovine i tako odvojena od svojih najbližih. To odvajanje negativno je utjecalo na njihov emocionalni razvoj i osjećaj pripadnosti, što je najvažniji momenat u odrastanju djece. Koncept rada naše Ustanove je alternativa klasičnim domovima i biološkoj porodici. Smjernica našeg rada i etika djelovanja jeste Konvencija o pravima djeteta, a naše prednosti ispred velikih domova jesu:

- Zaštita i podrška djeci i mladima od prijema do osamostaljenja,
- Odgajatelji-hranitelji su sa djecom 24 sata,
- Odgajateljsko-hraniteljska porodica slična je biološkoj porodici,
- Odgajateljsko-hraniteljska porodica maksimalno broji 6-ero djece–štićenika,
- Biološka braća i sestre žive zajedno.
- Podrška pri kontaktima sa biološkim porodicama,
- Praćenje i podrška djeci kroz rad u Dječijim prostorima,
- Planirano osamostaljenje,
- Redovna edukacija uposlenih,
- Kontinuirana pomoć i podrška stručnih osoba.

Naša prednost je u timskom radu jer smo svjesni da je odgojni rad težak zadatak, te da je timski rad mnogo prihvatljiviji i korisniji za djecu, ali i za uposlenike. Djeca u našu Ustanovu dolaze na zahtjev Centara za socijalni rad, a prvenstveno se radi o djeci i mladima bez roditeljskog staranja, djeci i mladima u kriznoj situaciji, djeci i mladima koji su izloženi nasilju, djeci i mladima sa lakšim teškoćama u razvoju. JU“Socijalno-pedagoška životna zajednica“ svoju djelatnost ostvaruje kroz 4-organizacione jedinice, odnosno 24-međusobno povezana objekta, kako slijedi:

- 14-Socijalno-pedagoških porodičnih kuća,
- 7-Dječijih prostora-svjetovališta za djecu i mlade,
- Đački internat u Bihaću,
- 2-stana za mlade u Bihaću

Od osnivanja Ustanove pa sve do kraja 2016.godine u odgajateljsko-hraniteljskim porodicama udomljeno je 194-ero djece, u Đačkom internatu je boravilo 893-djece, a smještaj u stanovima je našlo 15-mladih. U toku izvještajnog perioda u odgajateljsko-hraniteljskim porodicama primljeno je 10-ero djece, u Đačkom internatu 74-učenika i u stanovima za mlade 1-mladić. Na kraju izvještajne godine u odgajateljsko-hraniteljskim porodicama smješteno je 79-ero djece.

Struktura smještene djece u Ustanovi na kraju 2016.godine

Korisnici prema spolu i godinama starosti

tabela br:1

UKUPNO			Po godinama starosti				
M	Ž	U	0-6	7-10	11-14	15-18	Stariji od 18 godina
60	72	132	3	13	17	88	11

Korisnici prema roditeljima

tabela br: 2

UKUPNO	Bez oba roditelja	Samo sa jednim roditeljem	Sa oba roditelja	
			Sa oba roditelja	Od toga djeca razvedenih roditelja
132	18	29	85	28

Korisnici prema školovanju

tabela br: 3

UKUPNO	Korisnici prema vrsti škole koju pohađa			Ne pohađaju školu
	Osnovna škola	Srednja škola	Fakultet	
132	30	97	2	3

• ĐAČKI INTERNAT

Đački internat ili sedmični Internat u Bihaću dio je JU“Socijalno-pedagoška životna zajednica“ koji pruža smještaj, ishranu, podršku i nadzor učenicima koji srednju školu pohađaju u Bihaću, a dolaze iz svih općina Kantona.

Izveštajni period odnosi se na školsku 2015/2016. godinu, kao i prvu polovinu 2016/2017.godine.

Svake godine Upravni odbor Ustanove u mjesecu junu raspisuje oglas za prijem učenika u Đački internat, na osnovu prethodno utvrđenih kriterija.

Prioritet za smještaj u Đački internat imaju djeca iz socijalno-pedagoških porodičnih kuća, djeca bez oba ili jednog roditelja, djeca ratnih vojnih invalida (RVI) i demobilisanih boraca, djeca iz disfunkcionalnih porodica, kao i djeca koja po podacima Centara za socijalni rad dolaze iz materijalno neobezbjedenih porodica.

Važno je napomenuti da svake godine imamo mnogo veći broj zahtjeva za smještaj, nego što je smještajni kapacitet Đačkog internata. Kapacitet Internata je 54-ležaja, a svake godine se primi i do 15- učenika više.

U junu/2016.godine školsku godinu uspješno je završilo 71-učenik tabela br: 4

r/b	Naziv škole	Broj učenika
1.	Medicinska škola	29
2.	Katolički školski centar (Srednja medicinska škola)	11
3.	Mašinsko saobraćajna	12
4.	Ekonomska škola (kuhar, trgovac, ekonomski tehničar)	11
5.	Elektrotehnička škola	7
6.	Umjetnička škola	1

U septembru 2015/2016. godinu u Đački internat primljeno je 74-učenika i to: tabela:5

r/b	Općina iz koje dolaze učenici	Broj učenika
1.	Bihać	1
2.	Cazin	28
3.	Velika Kladuša	3
4.	Bosanska Krupa	24
5.	Bužim	11
6.	Bosanski Petrovac	5
7.	Ključ	1
8.	Sanski Most	1

Učenici (50-djevojaka i 24 dječaka) su smješteni u 3-bloka. Pored smještaja i ishrane cilj nam je pružiti svim učenicima bezbjedan i kvalitetan boravak u Đačkom internatu i organizovati slobodno vrijeme. Zbog svega navedenog učenici se moraju pridržavati kućnog reda, a podršku u ovom kao i u ispunjavanju školskih obaveza pruža Stručni tim II (psiholog, pedagog, socijalni radnik i 5-vaspitača).

Vaspitači rade u 3-smjene, tako da su sa učenicima 24 sata u kontaktu. Akcenat u svom radu Stručni tim II stavlja na preventivni rad sa učenicima, tako da pored uspješno završenog razreda važno nam je da učenike osposobimo za izlazak iz Ustanove, kao i na samostalan život. To postizemo razvijajući kod njih socijalne vještine kroz razne edukativne radionice koje često predlože sami učenici, te ih prenose na svoje vršnjake.

Vijeće učenika Đačkog internata organizira razne aktivnosti povodom obilježavanja Dana Ustanove, Dječije nedjelje, ali i kao volonteri pomažu u radu Udruženja "Radosti druženja" i Crvenom križu. Stručni tim II ima redovan kontakt tokom godine sa roditeljima smještenih učenika, sa srodnicima djece i sa Centrima za socijalni rad. Vaspitači najmanje dva puta mjesečno odlaze u škole koje pohađaju učenici radi praćenja uspjeha i prisustva nastavi, te blagovremeno o istima obavještavaju roditelje. Sve planirane aktivnosti su na vrijeme odrađivane, tako da sa učenicima nije bilo nerješениh problema.

Tabelarni prikaz brojnog stanja djece u Đačkom internatu od 2000-2016.god. tabela br:6

Školska godina	2000/2001	2001/2002	2002/2003	2003/2004	2004/2005	2005/2006	2006/2007	2007/2008	2008/2009	2009/2010
Primljeno novih učenika	25	37	29	17	29	23	19	31	32	25
Broj učenika koji su boravili u Internatu	-----	22	30	43	40	27	32	28	31	36
Ukupan broj djece u Internatu po godin.	25	59	59	60	69	50	51	59	63	61

Školska godina	2010/2011	2011/2012	2012/2013	2013/2014	2014/2015	2015/2016
Primljeno novih učenika	17	14	24	23	27	35
Broj učenika koji su boravili u Internatu	47	39	32	43	46	39
Ukupan broj djece u Internatu po god.	64	53	56	66	73	74

- *Socijalno pedagoške porodične zajednice
Odgajateljsko-hraniteljske porodice*

Tokom 2016.godine u funkciji je bilo svih 14 Socijalno-pedagoških porodičnih zajednica i odgajateljsko-hraniteljskih porodica. U svakoj od općina broj djece je varirao tokom godine. Dok su se jedni osamostaljivali i započinjali svoj život izvan javne brige, drugi su se vraćali u svoje biološke porodice (gdje su za to stvoreni uvjeti po mišljenju nadležnog Centra za socijalni rad), treći su pristizali na smještaj.

O smještenoj djeci, njihovom pravilnom rastu i razvoju, odgoju, obrazovanju, socijalizaciji i komunikaciji sa biološkim srodnicima, svakodnevno su brinuli odgajatelji-hranitelji svojim kontinuiranim prisustvom, a uz stručnu pomoć, podršku i nadzor rukovodioca Socijalno-pedagoških porodičnih zajednica.

Od ukupno 70-ero smještene djece, 31-je djevojčica i 39-dječaka. Njih 28 je u skupini od 15-18 godina. Punoljetno je 8-ero djece, 7-ero djece je bez oba roditelja, a najveći broj 39 pohađa

osnovnu školu. Od 28-ero srednjoškolaca, njih 14-ero se nalaze u Đačkom internatu na školovanju, od toga 7-djece iz Cazina, 1-iz Bosanska Krupa, 1-dijete iz Bosanskog Petrovca, 3-djece iz Ključa te 2-djece iz Sanskog Mosta.

Najveći broj djece, njih 37 postiže dobar uspjeh u školi, a odličnih je 3.

U izvještajnoj godini primljeno je 10-ero djece, a Ustanovu je napustilo 22 djece, od toga 10-ero djece vraćeno u biološku porodicu.

Naredne tabele daju prikaz stanja u 2016.godini o djeci smještenoj u Socijalno-pedagoškim porodičnim zajednicama po općinama.

- Spolna i starosna struktura
- Socijalni status
- Školski uzrast
- Profesionalna orijentacija
- Školski uspjeh
- Kretanje djece u Ustanovi
- Profesionalna orijentacija i osamostaljenje

Spolna i starosna struktura djece na smještaju u odgajteljsko-hraniteljskim porodicama

tabela br:7

r/b	Općina	Ukupno na smještaju		Do 3-godine		3-6 godina		7-10 godina		11-14 godina		15-18 godina		Stariji od 18 godina	
		Ž	M	Ž	M	Ž	M	Ž	M	Ž	M	Ž	M	Ž	M
1.	Bihać	4	5	-	-	-	-	-	1	1	2	2	1	1	1
2.	Sanski Most	5	5	-	-	1	-	1	1	-	1	2	2	-	2
3.	Ključ	5	5	-	-	-	1	3	1	-	-	-	2	2	1
4.	Bosanski Petrovac	1	5	-	-	-	-	-	2	1	1	-	2	-	-
5.	Bosanska Krupa	7	5	-	-	-	-	1	-	2	2	4	2	-	1
6.	Cazin	5	6	-	-	-	-	-	1	-	1	4	4	1	-
7.	Velika Kladuša	4	8	-	-	1	-	1	-	1	6	1	2	-	-
	UKUPNO:	31	39			2	1	6	6	5	13	13	15	4	5

Socijalni status djece smještene u odgajateljsko-hraniteljskim porodicama po općinama

tabela br:8

r/b	Općina	Djeca bez roditelja	Djeca samo sa majkom	Djeca samo sa ocem	Djeca sa oba roditelja	Djeca razvedenih roditelja
1.	Sanski Most	1	-	2	7	6
2.	Ključ	-	3	-	7	7
3.	Cazin	4	1	3	3	1
4.	Velika Kladuša	-	3	2	5	2
5.	Bosanski Petrovac	-	1	1	4	-
6.	Bosanska Krupa	-	6	-	5	1
7.	Bihać	2	5	-	5	5
	UKUPNO:	7	19	8	36	22

Školski uzrast djece na smještaju u Socijalno-pedagoškim porodičnim zajednicama tabela:9

r/b	Općina	Predškolski uzrast	Osnovna škola	Srednja škola	Fakultet	Ne pohađa školu	Ukupno
1.	Velika Kladuša	0	11	1	-	-	12
2.	Sanski Most	1	5	3	1	-	10
3.	Bosanski Petrovac	0	4	2	-	-	6
4.	Ključ	-	5	5	-	-	10
5.	Cazin	-	4	7	-	1	12
6.	Bosanska Krupa	-	5	6	-	-	11
7.	Bihać	-	4	4	1	-	9

Profesionalna orijentacija smještene djece

tabela br.10

r/b	Općina	Gimnazija	Umjetnička škola	Ekonomska škola	Poljoprivredna škola	Medicinska škola	Tehnička škola	Zanat	Fakultet
1.	Sanski Most	-	-	-	1	-	-	4	1
2.	Ključ	1	-	-	-	-	1	1	-
3.	Cazin	-	-	-	-	1	-	6	-
4.	Bihać	-	-	3	-	1	-	-	1
5.	Bosanski Petrovac	-	-	2	-	-	-	-	-
6.	Velika Kladuša	-	-	-	1	-	-	-	-
7.	Bosanska Krupa	-	-	-	-	-	1	1	-
	Ukupno	1	-	5	2	2	2	12	2

Školski uspjeh djece na smještaju u Ustanovi

tabela br.11

r/b	Općina	Odličan	Vrlodobar	Dobar	Dovoljan	Opisno	Nedovoljno
1.	Sanski Most	1	2	4	1	-	-
2.	Ključ	-	1	7	-	1	-
3.	Cazin	-	1	9	1	-	-
4.	Velika Kladuša	1	1	5	3	2	-
5.	Bosanska Krupa	-	3	5	1	2	-
6.	Bosanski Petrovac	-	-	3	2	1	-
7.	Bihać	1	3	4	1	-	-
	UKUPNO:	3	11	37	9	6	-

Prikaz kretanja djece na smještaju u Ustanovi

tabela br.12

r/b	Općina	Primljeno /smješteno	Premještaj unutar SPŽZ	Prestanak ugovora	Status nakon prestanka ugovora o smještaju
1.	Sanski Most	-	-	1	osamostaljenje-zaposlenje
2.	Ključ	-	-	1	Osamostaljenje-zaposlenje u R Hrvatska
3.	Cazin	-	-	3	1-osamostaljenje-zaposlenje 2- napustilo (udaja)
4.	Velika Kladuša	1	-	-	
5.	Bosanska Krupa	4	-	5	1-osamostaljenje 1-samostalno napustilo ustanovu 3-vraćeno biološkoj porodici
6.	Bosanski Petrovac	3	-	8	1-osamostaljenje 6-vraćeno biološkoj porodici 1-usvojenje
7.	Bihać	2	1	4	2-samovoljno vraćeno ocu 1-napustilo ustanovu 1-zaposlenje
	UKUPNO:	10	1	22	

Profesionalna orijentacija i osamostaljenje djece i mladih iz Socijalno-pedagoških porodičnih zajednica po općinama

tabela br.13

r/b	Općina	Profesionalna orijentacija	Osamostaljenje	Vid osamostaljenja
1.	Velika Kladuša	-	1	zaposlenje
2.	Sanski Most	1	1	zaposlenje
3.	Ključ	-	1	zaposlen u R Hrvatska
4.	Cazin	2	3	2-zasnovali bračnu zajednicu 1-zaposlenje
5.	Bosanska Krupa	2	1	zaposlenje
6.	Bosanski Petrovac	2	1	privremeno zaposlenje
7.	Bihać	1	1	zaposlenje

- *Dječiji prostor „Pogled“ – savjetovališta za djecu i mlade*

Na području Unsko-sanskog kantona postoji sedam Dječijih prostora – savjetovališta „Pogled“ i svi su u funkciji.

Dječiji prostori-savjetovališta su primarno mjesto rada rukovodioca Socijalno-pedagoških porodičnih zajednica i Dječijih prostora –savjetovališta. U okviru konceptualno utvrđenih prioriteta, te sukladno materijalnim mogućnostima u istima se planiraju i realiziraju različite aktivnosti od interesa za djecu.

Rukovodioci Socijalno-pedagoških porodičnih zajednica kontinuirano pružaju savjetodavne usluge u preventivnom i kurativnom smislu. Prioritetni korisnici ovih usluga su djeca na smještaju, odgajatelji-hranitelji, biološki srodnici djece na smještaju. Sekundarni korisnici su djeca, mladi i njihovi roditelji (staratelji) iz lokalne zajednice, i naročito iz rizičnih grupa kao što su: djeca bez roditeljske pratnje, odgojno zanemarena i zapuštena djeca, zlostavljena djeca i mladi, djeca i mladi sa asocijalnim ponašanjem, djeca čiji je razvoj ometen teškom ekonomskom situacijom, bivši štićenici Socijalno-pedagoške životne zajednice i drugi.

Rad u Dječijem prostoru-savjetovalištu je polivalentan, kompleksan i zadire u gotovo sve sfere života djece i mladih. Rukovodioci su po vokaciji socijalni radnici sa dodatnim edukacijama iz oblasti zbrinjavanja djece bez roditeljskog staranja.

Dječiji prostori-savjetovališta su već niz godina integrirani u lokalnu zajednicu, otvoreni i dostupni svim potencijalnim korisnicima.

Aktivnosti u 2016.godini se realiziraju kroz:

- Individualni savjetodavni rad sa djecom i mladima
- Grupni preventivni rad sa djecom i mladima
- Preventivni rad sa pojedincem
- Priprema djece koja se osamostaljuju
- Razvoj socijalne mreže od interesa za djecu
- Animiranje potencijalnih donatora i prikupljanje donacija
- Administrativna korespondencija i sl.

Kategorija djece i broj korisnika usluga u Dječijem prostoru „Pogled“

Rizična grupa djece i mladih	Starosna dob	Procijenjeni prosjek	Partner u radu
Djeca smještena u Socijalno-pedagoške porodične zajednice	6-19	3-5	Odgajatelj-hranitelj, pedagog, logoped
Djeca i mladi sa asocijalnim i antisocijalnim ponašanjem	10-17	4-6	Roditelji, škola, udruge, MUP
Odgojno zanemarena i zapuštena djeca	6-16		Roditelji, Centri za soc.rad, škola, udruge

Djeca iz lokalne zajednice bez iskazanih poteškoća u razvoju	7-18	4-10	NVO sektor
Zlostavljena djeca i mladi	6-18	2-5	Udruge, Centri za soc. rad, MUP-policijske stanice

AKTIVNOSTI	CILJEVI – REZULTATI
<ul style="list-style-type: none"> • Individualni rad sa djecom i odraslim 	<p>Individualni pristup je dostupan svakom djetetu i odrasloj osobi koji imaju takvu potrebu. Od prepoznavanja potrebe preko otvaranja problema do iznalaženja adekvatnog rješenja za dijete (odraslog) putem individualnih razgovora i savjetovanja. Ovom tehnikom su korisnici ohrabrivani da iznesu svoj problem, u mirnom i na određen način neformalnom, relaksirajućem prostoru. Poštujući pravila struke i etički kodeks, nizom razgovora kod korisnika se razvija sigurnost (povjerenje) i podiže nivo samopouzdanja. U ovom individualnom radu se najčešće delegiraju slijedeći problem-situacija:</p> <ul style="list-style-type: none"> -emocionalne poteškoće, prihvaćenost -konflikti u vršnjačkoj grupi -odabir škole, zanimanje, profesionalna orijentacija -nedovoljno razvijene socijalne vještine -strah od budućnosti (izlazak iz Ustanove) -bježanje iz škole i od kuće -samoagresivnost i agresivnost -krize adolescencije -eksperimentiranje sa alkoholom, cigaretama..... -prikriveno emocionalno nasilje -seksualnost -siromaštvo u kombinaciji sa obiteljskim sukobima -socijalna nesigurnost po izlasku iz javne brige (Ustanove)
<ul style="list-style-type: none"> • Grupni preventivno-savjetodavni rad sa djecom 	<p>Metod grupnog rada se kontinuirano provodi. U izvještajnoj godini ova metoda se nešto manje, ali i preskromno koristila zbog nedostatka sredstava za rad. Preventivni grupni rad je dobar i poželjan metod rada, osnažuje djecu u artikuliranju njihovih potreba, te kroz interakciju im pruža mogućnost sagledavanja određenih tema iz drugog ugla. Pozitivno utječe na bolje međusobno razumijevanje i nivo tolerancije. Realizira se kroz modelirane radionice, diskusiju i savjetovanje.</p>
<ul style="list-style-type: none"> • Edukativno tematske radionice 	<p>Broj radionica 3-5</p>
<ul style="list-style-type: none"> a) Konvencija o 	<p>Učesnika 5-11</p>

<p>pravima djeteta</p> <p>b) Konflikti i kako ih riješiti</p> <p>c) Moja porodica i njen značaj</p> <p>d) Komunikacija</p> <p>e) Lijepo ponašanje</p> <p>f) Seksualno i zdravstveno obrazovanje</p> <p>g) Tolerancija</p> <p>h) Volonterizam</p> <p>• Kreativne radionice</p> <p>a) Likovne radionice</p> <p>• Rekreativne radionice</p>	<ul style="list-style-type: none"> • Kako graditi prijateljstvo • Ja u školi – škola i ja • Zdravlje • Adolescencija • Profesionalna orijentacija • Kako da budem dobar drug-podrška među djecom • Vršnjačko nasilje <p>Tematske radionice se obrađuju svake godine. Često se prožimaju. Zadatak im je razviti svijest kod djece, pokrenuti razmišljanja, podignuti razinu znanja i razumjevanja kao i samopouzdanja. Kao grupna aktivnost, utječu na stvaranje novih socijalnih veza i jačanja postojećih.</p> <p>Broj radionica (prosječno) 5 Učesnika 4-8 Odnose se na crtanje na zadane i slobodne teme</p> <p>Često primjenjivane iz dva razloga: -nepostojanje materijala za kreativne radionice i -djeci najdraže zbog obaveznog druženja i mogućnosti da sami profiliraju vrijeme. Uglavnom je riječ o aktivnostima uz društvene igre, imitiranje, ples i slično.</p>
<p>• Preventivni rad sa pojedincem</p>	<p>Ovaj oblik rada je prvenstveno fokusiran na preventivni savjetodavni rad sa članovima biološke porodice smještene djece u smislu jačanja njihovih kapaciteta i otklanjanja nepoželjnih oblika ponašanja prema djeci. Za pravilan rast i razvoj djeteta vrlo je bitna adekvatna komunikacija sa biološkim srodnicima. Ova metoda rada je dostupna i bivšim šticećenicima kao i njihovim biološkim srodnicima, a u cilju što bolje socijalne integracije mladih u osamostaljenje. Po izlasku iz Ustanove, većina djece svoj jedini oslonac vide u odgajateljima-hraniteljima i rukovodiocima Socijalno-pedagoških porodičnih zajednica i Dječijih prostora-savjetovališta.</p>
<p>• Priprema djece koja se osamostaljuju</p>	<p>Na kraju osnovne škole, pristupa se pripremama djeteta za izlazak iz javne brige. Prvi korak je izbor zanimanja i upis u srednju školu. Iako obavezni i pozvani, matični centar se uglavnom uključuje u ove aktivnosti. Sa djecom se kontinuirano razgovara o njihovim planovima i mogućnostima. Po završetku srednje škole i stjecanjem punoljetstva dolazi do prestanka ugovora o smještaju. Većina</p>

	<p>djece ne posjeduje imovinu.</p> <p>Mali broj djece nastavlja školovanje po završetku srednje škole , no i kod obezbjeđenja stipendija i drugih potrebnih uvjeta izostaje ozbiljniji angažman Centara i uopće društvene zajednice.</p> <p>U 2016.godini 9-djece je više-manje uspješno osamostaljeno. Uz malo više međusobnog uvažavanja i koordinacije sa matičnim Centrima, rješavanje ove životno važne prekretnice za djecu iz javne brige bi bilo mnogo uspješnije i manje stresno.</p>
<ul style="list-style-type: none"> • Razvoj socijalne mreže od interesa djece 	<p>Sve aktivnosti koje se provode od prijema djeteta do njegovog izlaska iz Ustanove, imaju za cilj obezbjeđiti što adekvatniju podršku u sredini življenja, a u svrhu bezbolnije integracije djeteta.</p> <p>Mreža pojedinaca, ustanova, klubova, udruženja i sličnog može djetetu pružiti osjećaj socijalne sigurnosti, te pozitivno utjecati na razvoj djeteta.</p>
<ul style="list-style-type: none"> • Animiranje potencijalnih donatora i prikupljanje donacija 	<p>Svaki rukovodilac Socijalno-pedagoške porodične zajednice i Dječijeg prostora –savjetovališta ima dobru i usješnu suradnju sa relevantnim faktorima u svojoj lokalnoj zajednici.</p> <p>Zahvaljujući stručnom i ozbiljnom pristupu prema radnim obavezama, prepoznati smo kao odgovorni partneri u zaštiti i podizanju životnog standarda djece na smještaju. Tako smo i 2016.godine obezbjeđili niz donacija za Socijalno-pedagoške porodične zajednice.</p>
<ul style="list-style-type: none"> • Administrativna korespondencija i slično • Medijska pratnja i prezentacija 	<p>Značajne aktivnosti u Dječijem prostoru-savjetovalištu kao i u Socijalno-pedagoškim porodičnim zajednicama, medijski su popraćeni od strane lokalnih RTV kuća (gdje postoje).</p> <p>Administrativna korespondencija obuhvaća niz radnji u smislu pribavljanja, kompletiranja i formiranja dosijea za djecu, izrada planova, izvještaja kao i sva druga pismena komunikacija predviđena propisima.</p>

Aktivnosti u socijalno-pedagoškim porodičnim zajednicama

- Priprema i smještaj djeteta

Nakon odluke o prijemu djeteta provode se aktivnosti na pripremi već smještene djece i odgajateljsko-hraniteljske porodice za dolazak novog djeteta. Zbog sve učestalijeg hitnog smještaja i nedostatka financijske mogućnosti, djeca se sve češće smještavaju bez adaptivne faze. To naravno, nije u duhu dobre prakse , ali je trenutno neizbježno.

U izvještajnoj godini je na smještaju primljeno 10-ero nove djece.